

壹天鄉兄

惠存

弟

張家珏
陳果青

敬贈

金城集

范之杰題簽



851.48
0013

國史館圖書

分類號 851.85

著者號 421

登錄號 6960

國史館典藏
由國家圖書館數位化

金城集

高一涵



國史館藏書



0115662

自敘

余生平喜讀詩而不善作詩。故於詩學未窺門徑。庚辰之秋。自湘來蘭。道經重慶。值長沙章行嚴先生於山洞。時先生正埋首詩詞間。日有新作。極力勸余爲詩。到蘭後。孑然一身。交遊益寡。深宵孤燈獨坐。鬱鬱寡歡。姑試爲之。得詩二百首。從未敢出以示人也。壬午秋。行嚴來蘭。索閱存稿。謂大體尙可。仍宜多讀。多作。厥後積漸成癖。無間閒居出遊。興到即作。五年間存詩六百餘首。夫詩之道。豈易言哉。余之爲詩。羌無節奏。正如蟲鳥之自鳴。自巳。造懷指事。不求纖密。驅辭逐貌。惟取昭晰。卒之徑情直發。言外無餘。刻露淺率。一覽輒盡。毫無超詣。勢固然也。白首學詩。自奮亦深自愧。茲集所存。聊當五年以來之遊覽日記。若以詩律繩之。嗚呼。詩之道。豈易言哉。

金城集

卷一三十年（辛巳）稿

古今體詩九十首

卷二三十一年（壬午）稿

古今體詩一百零九首

卷三三十二年（癸未）稿

古今體詩六十六首

卷四三十三年（甲申）稿

古今體詩一百八十首

卷五三十四年（乙酉）稿

古今體詩一百七十五首

古今體詩一百八十首

卷四三十三至（州中）詩

古今體詩六十八首

卷三三十二至（梁末）詩

古今體詩一百零六首

卷二三十一至（太平）詩

古今體詩六十首

卷一三十至（晉）詩

金瓶梅

金城集

六安高一涵

卷一三十年（辛巳）稿

雲海行庚辰冬由渝飛蘭兩渡雲海因作此歌



蜀江水暖蜀山深。千巖萬壑時昏沉。渝州三冬成霧市。日月晦冥無晴陰。我今奮飛御天風。扶搖直上見晴空。皚皚銀峯映朝日。璇光四射何玲瓏。瓊樓玉宇爭飛翬。晶瑩燦爛生光輝。溶溶月照梨花院。澹澹風生素女衣。輕盈疑是虞兮舞。雲羅霧縠相追飛。黃山雲海饒奇趣。古有坐觀無飛渡。今我飛渡只須臾。茫茫千古誇獨步。忽然雲開天地清。如聞下界鷄犬聲。川原一望平如掌。云此已近錦官城。桑麻竹樹繞場圃。田疇阡陌聚棋枰。青青欲滴霜皮柏。搖搖欲墮黃金橙。以手撫膺仰觀天。欲去不去心茫然。天上蒼蒼何所有。畢竟仙境在人前。

西去成都百餘里。層雲又從萬山起。此時雲高山亦高。峯峯聳出雲端裏。俯首看雲兼看山。青螺翠黛參差是。中有一嶺號摩天。上去青天不盈指。北望千山更萬山。雲海截然從此止。羽輪到此無奈何。翼與山頂時相摩。凌空盤旋似秋隼。且擇萬峯闕。過一山未盡又一山。山山起伏如洪波。萬道金龍齊赴海。大川小川歸江河。崑崙原爲萬山母。崢嶸突兀莫與偶。撐天拔地蛇龍走。下視五嶽皆培塿。遙望黃河九折迴。盤渦倒捲聲如雷。皋蘭聳立勢崔嵬。嫫姚雄烈何雄哉。翩然一降落塵埃。天上人間任往來。

辛巳元日登皋蘭山遠眺寄撫五嘉州

滿城簫鼓歲華新。衰草連天慘不春。瀚海風來沙作雨。黃河浪起水生塵。凌波皮筏輕於葉。隔壘冰檣皎若銀。遙想峨眉山下客。應思塞外有離人。

憶君行寄撫五

憶君昔住瑤珈山。奇書萬卷貯瑯環。夜聽松風濤萬頃。日泛東湖水一灣。碧烟
繚繞楊枝舞。紅雲燦爛桃花殷。山中樓臺聳天半。恍疑身在蓬萊間。鼓聲聲中
一別離。後會渺渺今難期。我自洞庭浮沅水。君去黃鶴上峨眉。嘉州山水西州
冠。武陵丘壑四時奇。山花開落無冬夏。蒼翠常綴老龍枝。桃源猶有避秦人。不
知柯爛但觀棋。桑麻雞犬遍山阿。怪底人稱安樂窩。兩年我住景星寺。長松百
尺寄女蘿。門前綠水一曲帶。樓上青山萬點螺。青白分明雲出岫。晴空澹蕩月
舒波。雪後流螢飛上下。窗前梅影舞婆娑。桃花溪畔無雙艷。迎風帶雨時相過。
畢竟靈境難久留。一風吹我到蘭州。地老天荒太古世。日日坐對愁城愁。胡沙
獵獵吹人面。思君一日如三秋。焉支也有好顏色。無奈東風吹不上枝頭。

晨自享堂赴民和

老鴉峽口曙光寒。白髮飄蕭強據鞍。迤邐穿林人似燕。踉蹌下坂客如丸。揚鞭
遙望鸚哥著。夾道誰看獬豸冠。飢走荒山思杜叟。倘因墮馬得朝餐。

青海行

青海高如瓶在屋。嶽本水源從此伏。祁連庫坤清會典圖作庫爾坤勢極天。未膺秩祭遺荒

服。泰岱峯從平陸起。拔地僅及三千尺。爲山原不藉丘陵。丘陵終助山高矗。平

地之山詭嶽崎。高原之山卑不辭。淺草青青沒馬蹄。行過山頂人不知。日月山及巴顏哈喇

山均不見高峯山到極天轉平夷。不自矜高眞吾師。闔門背負老鴉山。浩浩清流水一灣。

四海而今任往還。畛域盡泯何須關。平荒莽莽少城郭。黃雲黯澹連大漠。我行

海上已半月。只見楊柳無松柏。忽指前山見蘭若。廣慧寺翠柏紅牆相交錯。霜皮

黛色枝幹古。全天幸避人剪伐。古來材大不求用。留伴雲煙寄巖壑。山中終歲披羊裘。雪擁峽口水不流。返轡蘭州先一笑。春風已上柳梢頭。尋春莫問春早遲。春到人間自有期。塞上百花齊放日。江南春去已多時。

早行

淒涼野館露花滋。客上征鞍主未知。低靄不遮銜嶺月。好花常綴拂人枝。數家燈火留殘焰。幾處雞聲出短籬。漏盡鐘鳴天地醒。萬山杲杲映朝曦。

見梨花滿地有懷

去年花下共開樽。今歲花時獨閉門。霽落鶯啼空有恨。雪消鴻散了無痕。寒香脈脈依梅友。幽夢蘼蘼化蝶魂。春帶愁來還自去。忍拋殘粉滿亭園。

蘭州初春

春斷江南百萬家。隴頭風日轉清華。山間白草生新綠。天上黃雲變彩霞。十里平疇翻麥浪。滿庭梨樹吐瓊花。鄉人別有幽閒趣。醒傍門前種醉瓜。

五泉山夜歸

却把禪關作塞關。香消僧散水潺潺。誰家明火驚村犬。幾處吹笳擾市闌。玉壘淒涼閨裏月。龍巒縹緲夢中山。高峯似與人爭老。白雪盈頭學鬢斑。

戊寅長沙大火星夜前往視察

武陵行過又衡山。我馬虺隤未敢閒。柔艣咿啞宵渡水。殘星明滅雁臨關。江村劫後無雞犬。野寺塵封見狃獾。宅第都隨烽火盡。只餘斜月向人彎。

興隆山祭成吉思汗陵

興隆山距榆中縣十五里。對棲雲山而言。則稱東山。峯巒聳秀。曲折

紆迴從雲龍橋登山。翠柏蔽空。沿途皆有寺院。最上爲玉關皇。及太白泉。泉自峯下出。清越有聲。寒冽清芳。可供茗飲。致祭時爲三十年四月十七日。正日蘇煥約承認蒙古共和國。獨立完整之時。回首當年。不勝慨嘆。

飛岸雲龍接玉臺。丁香紅柳滿山隈。掃空翠柏依巖立。挂壁清泉出寺來。一代雄才餘畫戟。百年大業贖寒灰。可憐萬馬縱橫地。帛裂惟憑酒半杯。

客至談新疆事有感次果青見貽詩韻

漢代旌旗去不留。何人鑿空海西頭。千秋舊恨翻新恨。三復無愁果有愁。闡苑不傳青鳥訊。天山只許白雲遊。男兒報國須投筆。衛霍功名起戍樓。

積盛園小飲後果青以詩見贈國憂鄉思情見乎詞知其醉意別有在也

因以慰之

滁州太守歐陽公。飲少輒醉。醉稱翁。醉翁之醉。不因酒。強年稱翁。聊戲友。滁山高絕。滁水深。醉翁喜聽醉翁吟。醉醒一與人同樂。高枕谿石臥丘壑。莫言一醉解千愁。白也銷愁愁不休。莫言酒醒愁自收。靈均獨醒淚盈眸。醒醉不關樂與憂。愁與酒如風馬牛。東南賓主天西頭。入穴應思定遠侯。吾儕風雨今同舟。決勝齊獻帷中謀。國恥未雪壯士羞。生入玉門亦楚囚。誓復春秋九世讎。掃盡胡塵補金甌。匈奴既滅壯志酬。釀泉爲酒飲高樓。泉香酒冽交觥籌。滁州山水滁人遊。

追憶施南道中

李杜文章神鬼驚。足跡所至盡知名。蜀中山水亦何幸。萬景都從筆底生。施南

自古隱天外。面目未向人前呈。有水亦作巴字繞。無山不與天爭衡。山山相銜若鱗比。百里不見一里平。天梯石棧森相向。千巖萬壑異陰晴。冰崖咽石水無路。故向灘頭作怒聲。龍洞陰森竦毛骨。穹窿幽邃騰九閔。白練條條懸龍口。明珠萬斛一瀉傾。路緣峯轉不得直。時從崖上架危程。高下一隨山起伏。穿雲出霧空中行。將往復旋幾盤曲。來途去路失分明。山花到處自開落。不與人世爭枯榮。蒼松虬蟠當風立。吞吐雲氣作龍鳴。我來正逢三春暮。杜鵑一路相送迎。衣上白雲猶未淨。明朝又復賦長征。

辛巳五月朔偕石軒剛直登泉蘭山第三峯

垂興閒行到五泉。更扶藤杖陟層巔。羊腸曲折依山路。棋局縱橫負郭田。如線河流天際落。凌空壁壘嶺頭連。凝眸欲向江南望。無數高峯插塞煙。

余登皋蘭山時。正直衛立煌將軍在晉南酣戰。掃潢池之殘醜。播大漢之聲威。令人興奮。次再前韻奉答箸芬。

偶尋壁壘到林泉。杖屨攀登古戍巔。百戰勳名垂斷臂。萬山雲樹繞屯田。河傾積石濤聲壯。地接秦關紫氣連。今日邊功誰第一。願爲下筆寫凌煙。

書感

少時狂縱氣如山。自信文章足濟艱。瘠口願籌桑土計。虛堂甯任燕雛閒。十年宦海成春夢。萬里羈愁望故關。劍外拾遺虛奉使。一聞笳鼓一慚顏。

邊行雜詠

三十年六月。與甘肅省政府趙委員龍文。第一行政督察區胡專員。公冕等參加藏區黑錯行政會議。自蘭州取道洮沙臨沙岷縣臨潭。

卓尼至黑錯寺。會畢復由波喇。喬浩拉卜楞。沙溝寺。橋溝。清水。晒經灘寺。土門關。至臨夏。由和政甯定。洮沙返蘭。初臨邊地。一花一草。皆覺新奇。因紀一小詩。用誌鴻迹。

層巒疊嶂阻。轍輪攀葛緣。崖過一身。埃涸河牀供走馬。草低沙軟不沾塵。七道嶺阻車

平疇一望渺無崖。十里清渠繞屋斜。流水當門橋作路。綠楊城郭是洮遠。洮沙城遠眺

人隨水草定遷留。村落多依水磨溝。一道清溪幾水磨。萬家生聚水溝頭。羅家廟夜宿

芍藥翻階散綵霞。千紅萬紫鬥春華。東皇有意憐羈客。六月能開二月花。岷縣看芍藥

劉順川前瓜果新。桃源洞裏遇秦人。傾談洪武年間事。彈指光陰五百春。劉順川老人聞

話

燦爛星光照眼來。暮天席地枕蒼苔。老年空有從軍願。也算沙場臥一回。荒原暮宿

丈八長矛馬上揮。萬山叢裏出長圍。黃裳紫綬迎風舞。逐電龍駒掠地飛。黑錯演武

修到如來人作佛。轉生活佛佛爲人。信知人佛原無二。成佛成人一轉身。活佛轉世

霏霏細雨溼氈牆。且藉荒原作睡鄉。一夜西風吹幕冷。起看鬪毯已凝霜。波喇遇霜

一襲羊裘四季衣。長虹紫帶稱腰圍。隨身不用蓑兼笠。冒雨衝寒自在歸。盛夏披裘

辮垂瓔珞飾花鈿。一串珊瑚壓兩肩。似向人前誇富有。背拖銀幣雜銅錢。藏女服裝

金環如月耳邊垂。袒臂開胸露雪肌。一曲清歌將進酒。樂人旁弄小橫吹。拉卜楞夜舞

高原氣候總無常。一日須攜四季裝。山下百花山上雪。午愁赤日夜愁霜。午行苦日

塞上春光特地多。山間六月正清和。嫣紅姹紫紛紛是。一路看花到夏河。草原野花

林深澗密路盤紆。冷暖陰晴衆壑殊。山立四圍人入甕。溪流百折水成珠。清水峽中

山上柯條一尺長。山根灌木已逾牆。薔薇處處都成樹。錯認紅花作海棠。土門關道上

瓊樓高處自清涼。盛夏猶披草上霜。雨代裘衣眠代被。臨邊聊效武靈王。衣藏服攝影

隴上千峯寄一身。黃雲白草總愁人。豈知白水洮河外。一歲欣逢兩季春。書樹知友

望月懷子修時寓芷江

時清分手去。世亂每相親。江漢曾同客。瀟湘又結鄰。情因離愈密。交爲老彌真。萬里嬋娟月。宵宵照兩人。

甯夏雜詠

山吐蛾眉月半環。斷峯迤邐石文斑。赫連故壘烏珠墓。只在斜陽蔓草間。賀蘭山

龍蟠虎踞幾經秋。萬里烽烟次第收。橫掃千軍資筆陣。詞源如海接天流。筆架峯下出紫

石可爲硯俗呼賀蘭端

渚蒲牙白芰荷青。遠近山光列畫屏。波影乍搖魚戲藻。人家多住綠楊汀。南塘

千秋浩氣貫精忠。鳳舞龍飛字字雄。行到賀蘭山闕處。放懷高唱滿江紅。岳武穆
費送張

張巖北
伐詩碑

水雲縹緲黃沙渡。驛路迷離赤木關。血作長河骸作鎖。漢家戶門鞏如山。赤木
關

連天沙磧接平羌。虎鬥狼爭百戰場。辟壘銷爲耕鑿地。町畦繡錯野雲黃。平羌
堡

山帶連天沙報雨。火輪灼地草生烟。風旋羊角塵頭起。直上長空一柱圓。西套蒙
古沙堡

地開盤谷湧甘泉。洞裏桃源別有天。世外衣冠存古樸。峽中雞犬亦神仙。定遠
營

青銅峽口水悠悠。裊窈冲融自在流。唐徠漢延三百里。稻花香滿白蘋洲。青銅峽
峽下爲

唐徠渠漢
渠延水源

湖水伏流穿暗洞。長渠交錯渡飛槽。支分派別如蛛網。迥注無煩手足勞。從小渠
至青銅

峽望漢唐清惠四渠湖渠之水縱橫交流渠底穿洞以洩湖水
謂之暗洞甲渠橫過乙渠架木槽跨渠上以通之謂之飛槽

三十年九月二十一日陪右公及曙青登皋蘭七道嶺觀日食

歲在辛巳八月朔。七道嶺頭觀日蝕。天朗氣清風習習。萬里長空淨如拭。高嶺
恰當全食帶。千載良機爭一刻。駒影屢移無消息。萬衆心頭正惶惑。忽見巨影
來遠方。電逐風馳虎撲羊。又如雷雨動地來。日端頓時翳明光。二丸相交若環
連。一明一暗邊銜邊。衆口同聲曰初虧。黑白分明兩鏡懸。觀者羣以手加額。日
體今見哉生魄。何人誤撞金甌缺。一點塵污玉盤白。細吞緩咽餘半規。晶光黯
澹如簾隔。天地一時皆易色。魚鱗隱見林影隙。初疑斷環紛鋪地。忽訝金波浮
大澤。暮靄蒼茫逼人飛。乾坤遁入渾沌夕。牛羊下山雞入室。孤兔倉皇亂竄逸。
逐隊寒鴉返故林。燦燦星光三五出。清露瀼瀼凝蔓草。夜氣陰森股戰慄。到底
鏡匣掩不牢。金光四射散綵條。佛頂煌煌著華冕。珥璫左右晃鬢毛。兩鏡參差

露一斑。輪邊灼灼耀金環。爍石燒空寶光燦。清曦次第照河山。神魂飛動易恍惚。轉疑斯世非人寰。遙見天女畫蛾眉。粉痕遺留碧落間。不然正值日中天。倏忽奚來月一灣。一陽來復光重生。滿天鴉鵲噪新晴。大地霎時解宿醒。眼前萬象皆光明。眞宰畢竟無毀成。歲值重光宇宙清。

爾雅太歲在辛曰重光

敦煌石室歌

李懷讓大周李君修功德記。前秦建元二年沙門樂僊行至此山。忽見金光狀有千佛。造窟一龕。有法良禪師從東到此。又於樽師窟側更卽營建。後刺史建平公東陽王等……後合州黎度造作相仍。按敦煌石室在甘肅敦煌縣東南鳴沙山中。舊名莫高窟。俗名千佛洞。清光緒庚子。有道士掃除積沙。於複壁破處見一室。內藏書甚

富發之。皆唐前後及五代人所手寫。並有雕本。佛經尤多。蓋西夏兵革時保存於此也。英人斯泰因。法人伯希和先後至其地。皆擇其完好者捆載而去。陳於彼國博物院中。至我政府更往搜求。精好者已不可得。近人據伯希和所得本印行者。有敦煌石室遺書鳴沙石室古佚書等。多爲前所未見之秘笈。

陽關古道接天竺。西連佛國猶比屋。沙門樂樽託鉢來。步入敦煌鳴沙麓。榛莽蔽天無人室。獨坐崖頭看落日。日耀金光燭霄漢。幻作千佛森燦爛。神僧到此悟禪機。緣以荒崖作彼岸。鳩工鑿石創一龕。開山大業煩圯墮。物換時移幾星霜。踵事增華競輝煌。前有刺史建平公。繼起復有東陽王。先後開鑿千餘洞。今上洞存有壁畫有三百八十洞其餘殘缺及下洞之無畫者一百八十八洞。通以長廊間以牆。一洞一龕一世界。千門萬戶疑

蜂房。苻秦經始。猶椎輪。大輅之成。自盛唐。下逮宋元。歷千載。自檜以下。無低昂。
畫師一一逞意匠。妙到秋毫。難窮狀。飛樓湧殿。燦珠光。幡刹幢牙。列仙仗。梵唄
詠歌。如聞聲。維摩說法。花散帳。一佛化作千萬身。千萬身生千萬相。就中聖手
誰第一。右相宗派。推至上。洞中複壁。塵封久。琳琅密室。富二酉。西夏兵戈。動地
來。權作文物。逋逃藪。梨棗半屬宋前鐫。經卷多出唐人手。斯氏伯氏。一顧空。氈
苞。席卷間關走。後有好者。勤搜求。十存一二。遺八九。瑯嬛富地。一朝空。歐西書
府棟爲充。石室遺書。傳萬國。秘笈翻爲天下公。世界競誇敦煌學。失馬渾難罪
塞翁。我來又後四十年。烟薰壁壞。損妍鮮。篝火入室。摩挲遍。粉墨剝落。歎神全。
月儀墨蹟。西夏字。幸從灰燼。見殘編。湯盤孔鼎。器已渺。文辭述作。尙連篇。敦煌
藝術。卓千古。薪盡行當看火傳。張八

名爰字大千蜀人

畫佛本天授。神妙直追吳道玄。請

君放出大手筆。盡收神采入毫顛。嗟予十指無一技。坐對至寶空潛然。夜深道院萬籟寂。仰見秋月來娟娟。是夜適爲辛巳中秋

右公馬立鳴沙山

渥洼池上聽山鳴。繞繞風雷足下生。踢破銀峯閒立馬。白鬢如雪映沙明。

鳴沙山

鳴沙山在甘肅敦煌縣東南。距城約十五里。因山當風而立。由西北風吹送五色細沙。自山脚堆自山頂而成。縣亘五十餘里。一白無際。蔚爲奇觀。考元和志。此山一名神沙山。積沙爲之。危峭踰於石山。人登之即鳴。隨足頽落。經宿風吹。輒復如舊。序與同遊四五人。從中峯滑下。降至山腰。流沙隨足而下。摩盪成聲。四山響應。正如數拾架。

飛機結隊臨空之聲。中峯下有一池。半月形。名月牙泉。相傳即漢之
渥洼池。碧水澄清。游魚可數。三五鷗鳥。浮沈蘆葦間。悠然自得。幾忘
身在塞上。

造化小兒何頑皮。花樣新翻沙戲兒。興風作浪縱石尤。不打船頭打山頭。三危
山老石皴裂。形如龜坼色如鐵。風搏瓊屑雲堆白。巧施鉛華爲藏拙。瀚海流砂
飛不窮。浪淘月籠隨長風。聚山聊代伏波米。九仞不虧一簣功。高者聳出羣玉
峯。下者凹作蕊珠宮。博浪浪高積如雪。龍堆堆起婉疑虹。或肖靴紋皺春水。或
勒鳥篆留山中。不使螺髻餘一髮。却教天唾珠璣籠蓋碧玲瓏。匡廬不露眞面
目。只疑山老又還童。迤邐繚繞五十里。神裝鬼抹非人工。母乃心妬天山雪。嶺
終年白。有意幻出銀山萬疊與之爭長雄。鄱陽湖畔剝皮山。

趙嘏北有
剝皮山詩

寸草全

無露石斑。豈若此山無皮無毛更無骨。只有沙軟無石頑。照月真成銀世界。登
臨如行玉山間。老夫到此喜欲狂。賈勇直下千仞岡。流沙滾滾隨足降。摩盪成
響聲悠揚。鑿鑿萬鼓排空起。淘漉滂湃決銀潢。老龍當風吼怒濤。霹靂碎旬震
大荒。鷗鳥驚飛牛穀觶。一時遊侶齊張皇。不雷馮馮從何起。不風颼颼來何方。
山中亦未傳警信。奚來颿車結隊航。萬目警疑向空望。心知無事猶徬徨。脚跟
著地萬籟寂。頃刻天地復故常。試以藤杖作畫錐。寫茲奇景紀敦煌。

敦煌西望

西望陽關沒草萊。龍沙流宕不成堆。秋雲慘澹天山路。只見黃羊結隊來。

敦煌披圖尋河源

扎陵淺碧鄂陵藍。印月涵星兩鏡潭。莫道河源千萬里。回看已在堆東南。

瓜沙道中

古道陽關接大荒。官楊零落不成行。陰沈日色連雲白。黯澹風沙入塞黃。鴻覓
稻梁銜矢石。人拚皮骨戰冰霜。唐藩漢壘今何在。秦月依依照故疆。

遊安西榆林窟

蘭若荒寒地。來遊動隱心。平沙千里雪。流水一溪琴。壁上丹青古。崖頭石窟深。
採薪人不到。紅柳自成林。

自玉門還入嘉峪關

行到長城西盡頭。邊城河水碧於油。玉門生入吾滋愧。嘉峪重來自快遊。天半
祁連蒼萬古。關前明月炯千秋。霜寒風勁歸何處。酒美泉香望肅州。

循嘉峪關邊牆南行至陶來河

或名陶
賴河

如箭歸心逐馬蹄。喜從關下見清溪。匆匆便欲尋舟去。忘却陶來水向西。

河西道中

十月伊涼道。長空雁幾行。羨他南翥去。猶有水雲鄉。

疏勒河中水。西馳皴淺藍。望鄉空下淚。流不到淮南。

晚過黑水古城

俗稱此古城爲黑水國。距甘州西三十里。位於黑河濱。近因築路掘

出墓磚甚多。磚上有日利大吉女子等字。皆漢隸。

何代城墟黑水邊。沉埋空積不知年。荒丘高下千官冢。廣陌縱橫大吉磚。文物已罹嬴氏火。衣冠猶帶漢宮烟。盈虛消息無今古。壘首中天月正圓。

晚至山丹

考山丹縣志。漢名刪丹。李陵出居延塞。及送蘇武歸國。路博德設遮
虜障。均在此。城外孤峯高聳。名龍首山。與焉支遙遙相對。鎮夷峽爲
弱水出口。地產紅鹽。燦若桃花。山崖亦多赤色。故名山丹。

刪丹城外夕陽斜。玉節牙旗想漢家。遮虜障前山四面。鎮夷峽口路三叉。牛羊
蕃息添氍帳。壁壘荒涼靜塞笳。鹽赤崖朱霜葉老。焉支掩映蔚紅霞。

隨右公過涼州望雪山

山石嶙峋水斷流。天荒地老古涼州。春來消雪爲霖雨。膏澤生民仰白頭。

野望

猙獰山石似鱗皴。古老巖寒慘不春。河廣千尋時絕水。村餘四壁闕無人。嶺頭
松柏垂垂盡。隴上蓬蒿處處勻。負女牽兒欄道哭。一披書狀一酸辛。

戲贈空同山人

洞中石室自高寒。局外棋枰袖手看。幻作尻輿隨造化。收來天地入蒲團。雲隨玄鶴朝朝舞。松向蒼崖曲曲蟠。竈冷烟銷眠不醒。那知楓葉幾回丹。

西京懷古

漢代旌旗出塞多。心思猛士大風歌。九千華嶽攬青劍。百二秦關障濁河。鐵騎橫馳天北極。樓船雄鎮海南波。塵寰擾擾何時定。應識磨戈即止戈。

雪後過灞橋

銷魂樹上雪飛稀。古道初程十月天。送盡東西人渡水。牽離綰恨自年年。詩思應從驢背生。灞橋風雪一鞭輕。天公忽作催租吏。行到橋頭雪正晴。

雪後三原郊外觀獵

菜黃麥秀兔兒肥。白鹿原頭看打圍。叱咤一聲三窟破。韓盧掠地如快飛。

三原雜詠

家學琅玕耀後先。王莊毅王唐儂父子聞風繼起馬谿田。三原宗派承關洛。正統相傳五百

年。

秋老雞心柿名顆顆黃。臨潼火錦亦柿名更甜香。詩人只喜吟瓜棗。誰補幽風食柿

章。

封紅燒白肴肉水益羊。活絡蕎麥麵絲絲入口涼。晨起街頭閒緩步。微風吹送老糟

香。甜米酒

油糕鬆脆佐油茶。撒撒甜南皆酒名遍酒家。待到明年三月暮。重來原上醉梨花。

亦酒名

晨過益門尋大散關

滿地霜花欲曉天。却來秦嶺弔前賢。放翁忠義高千古。垂老臨邊不計年。

晚過酒奠梁

征車宛轉萬山中。酒奠梁頭見太空。谷小翻疑天宇窄。山高飽看夕陽紅。

廟台子留侯廟

萬峯環拱紅花舖。二水交流紫柏山。月朗風清人迹靜。輕車來去自閑閑。
義士精神俠士風。行蹤靈矯似游龍。亡秦興漢千秋業。只在先生掌握中。

褒河橋畔別右公返蘭

白首輜軒萬里巡。拈毫和淚寫流民。東風信有迴天力。雪裏重生滿地春。
臨歧分手各依依。日短江湖白髮稀。南望劍門旌節遠。冰天雪地一人歸。

行程三月徧東西。隴陂秦原入馬蹄。明月臨關人不寐。清心賴有輓兒梨。

天水謁李廣墓

飛軍神箭自千秋。白首沙場臥未休。生不受封何足恨。亂時名將壓王侯。

憶芷江

景星古寺氣蕭森。官舍三間俯碧岑。晉代桃源秦代月。出山泉水在山心。行藏漸喜無朝野。囊橐深慙賸鶴琴。若遇巢由應笑我。竟令蘿薜雜纓簪。

萬笏嵯峨逞秀姿。漉漉澗水碧漣漪。雲生山徑衣霑絮。聰接松崖翠撲眉。桂樹孤高梅影淡。牡丹嬌艷杜鵑癡。望城坡下村如畫。阡陌縱橫一局棋。

雲起峯餘萬筍青。青螺點點插蒼冥。人居水繞山環寺。門對桃紅柳綠汀。灘急時聞沙怒語。舟輕渾似浪飄萍。三冬盡見花開落。雪裏圍爐看亂螢。

展

織得人間錦繡城。春風却費萬般情。一聞響屐繁華盡。惱煞天心是此聲。
滿地蒼苔布翠茵。齒痕一印陷泥塵。騶虞舉步憐生草。踏碎河山却是人。

讀史有感

昨霄座上盡英豪。今日門庭頓寂寥。珠履三千皆候鳥。暖來寒去信如潮。
朱亥原非入幕賓。客中毛遂亦沉淪。從來臨難輸肝膽。誰是尋常寵信人。

次撫五見寄詩原韻奉答

時艱未許計刀頭。踢破沙場馬足遒。鮮水湖邊逢九日。莫高窟下作中秋。閒來
遣興吟長句。老爲驅愁事浪遊。棄置天西君勿笑。梨香瓜美味全收。

次撫五辛巳冬季見寄詩原韻

斗回冰泮感時遷。萬里風雲海上傳。南北東西同一慨。辛壬癸甲此何年。秦強齊大皆邱貉。宮黍廷蒿歎蔚芊。幸有長沙飛捷報。獻俘獻歲共華筵。

明妃曲

拚將哀怨訴琵琶。不把黃金買畫家。却笑留宮承召女。圖中空有貌如花。自分明珠已暗投。宮中塞外一般愁。當時倘賄毛延壽。也鎖長門到白頭。

金城集

六安高一涵

卷二三十一年（壬午）稿

庚辰秋余奉命由湖湘調赴甘甯青。錫五石軒淮生先後從六千里外。隻身前來相助。今春耀西又將自湘來蘭。念數君跋涉之勞。因紀以詩。

一官遷徙逐浮雲。腸斷沅江手暫分。雁入長空終結陣。萍隨流水不離羣。深慚烏柏霜凝澹。多負鸚行臂助殷。植矩懸規吾輩事。敢撫浮議詡風聞。

甘谷城郊春望

平川遠近杏交花。水皺靴紋淺見沙。野草連縣鋪地軟。柳絲旖旎受風斜。天門澗碧流青玉。朱閣山丹炫彩霞。園上青青春韭茂。未成村落兩三家。

登甘谷大像山

尺五連山大像樓。一川景物望中收。松橫斂股攢青蓋。風捲楊花輞白毳。百丈懸崖陳色相。萬峯倒影插靈湫。

天門靈湫爲廿谷八景之一

前途好自留餘地。不待雲封卽轉

頭。開道至白雲封處止。危磴峭壁觸目驚心。

武山途中遇雨

風狂雲暗路迷離。山雨廉纖點鬢絲。零落梨花容慘澹。遲迴雁陣字斜欹。車行澗道愁方軌。水透衣衫冷逼肌。寂歷孤城無驛舍。一燈明滅對荒祠。

隴西道中

柳禪鶯嬌二月天。村村稚子摘榆錢。牛車轉粟雲霄上。梨樹飛花雪嶺前。蠶豆漸舒纖蝶蕊。蕨芽齊弄小兒拳。隴山鸚鵡聲凄切。疑是江南聽杜鵑。

渭源贈原佑仁縣長

彈丸小邑寄巖疆。三月春郊柳未黃。飛鳥下廳公府靜。雜花生樹訟庭香。千秋
義粟惟薇蕨。萬古賢關一首陽。淵源昔爲首陽縣禹蹟烟銷何處是。空餘鼠鳥鬱青蒼。

臨洮觀哥舒碑

此是哥舒百戰場。長城遺蹟弔微茫。殘碑剝落無多字。猶似當年半段槍。

洮岷道中所見

鬚鬆鴉翅配荆釵。懷抱嬌兒背負柴。日暮場收人影散。踟躕忙煞鳳頭鞋。
婦跨雕鞍手抱嬰。夫隨驢尾步歸程。蹇驢似解聽情語。故踏山坡緩緩行。

華家嶺

隴阪如濤卷大波。縱橫繡陌徧山阿。蠕蠕蠅虱羊成隊。滾滾銅丸馬下坡。百折
巉巖盤鳥道。千年殘穴墮蜂巢。嶺間滴水猶甘露。窖雪儲冰不厭多。

西園看梨花有感

淡掃蛾眉。號國姨。酒潮從未上冰肌。深深院落無人問。消盡香痕。總不知。空庭寂寞自年年。意態輕盈。伴水仙。最是傷心春欲晚。斜風細雨。五更天。李穠杏開。山桃豔。畢竟凡花作態多。不抹胭脂。輕傳粉。溶溶月下舞霜娥。雨妬霜欺。已足哀。園丁何事復相催。長竿更比風姨虐。忍使紛紛。點翠苔。山容蒼老。花容嫩。對立濱河亦自慚。隔岸已成香雪海。半爲塞北。半江南。

追記湘西永綏道中

矮寨危途十八旋。人循之字上層巔。將迎忽送依山日。就曲隨風轉舵船。眼底去來無捷徑。嶺頭呼吸可通天。低峯都是兒孫輩。下視蒼茫幾點烟。

閩南海戰事

海水羣飛卷浩波。漫漫長夜竟如何。青春徒憶童時好。白髮偏於亂後多。昧谷
淒涼沉暴日。花旗搖曳仗天戈。三山引去風濤定。再譜周廷越雉歌。

邊關

望得春來春又還。白頭依舊客邊關。參差不整河干柳。剝落無膚隴上山。萬里
家書傳血淚。頻年心事寄刀環。烽烟海陸彌漫遍。魂夢難忘國步艱。

干戈

干戈影裏二毛人。棲枳鸞皇氣不馴。閱世漸知蟬翼重。論交總覺布衣真。簾窺
鸚鵡防饒舌。姓變陶朱倦臥薪。塊壘填胸胸益闊。疊成丘壑自嶙峋。

落花

曳杖閒行過短籬。杜鵑聲裏兩如絲。春深門掩誰家院。銜到殘紅燕亦癡。

算來雖只一春紅。淡抹濃妝總化工。底事吹開復吹落。人間最妬是東風。
三生盟約渺難期。蝶夢依依總是癡。消盡香痕無一語。綠章欲奏已嫌遲。
愛花須趁半開時。安得春陰久護持。怕觸殘英飛地盡。低頭讓過礙人枝。

閒遊

偏於亂世作閒遊。河上清風夏似秋。戲水魚拖花瓣去。負暄龜著石衣浮。
鬢髮堆青髻。蒼翠邴連戴白頭。只此天西乾淨土。略無驚浪到沙鷗。

贈興隆山太白泉道人

干戈滿地走天涯。偶遇名山即是家。春雨帶雲鋤藥圃。秋林和露拾松花。
松花爲松叢之

一種以太白泉附近所產者爲最佳

牡丹五月方舒蕊。百合千頭欲變霞。清越泉聲生石壁。汲來自

煮六安茶。

二十四年夏。湖北大水。余與許公靜仁。張君岳軍。同乘飛機勘災。回憶慘狀。宛然在目。近聞長江流域。又將大水。因追記之。

江漢中途正合流。久枯雲夢亦通舟。千峯出水疑春筍。萬宅隨波泛海鷗。橋斷人家隔岸語。浪高魚隊過山游。當街架木營巢住。權把門前作渡頭。

七七節

誰將殺戮作耕耘。五載妖氛塞上橫。綿繡河山時帶甲。烽烟海陸見連營。虎衣鐵冑齊生虱。樵斧農鋤盡利兵。跳躍旄頭猶未落。好憑衆志築長城。

秋思

涼颼拂面客心驚。絡緯階前斷續鳴。露冷先凋蟲蛀葉。風狂難緩雁征程。隴頭流水餘悲曲。莊氏閒吟總越聲。夢到幽燕胡虜遁。追奔輕騎出關行。

喜聞浙贛國軍破敵

一日追奔下七城。風馳電擊鬼神驚。常山已布長蛇陣。遙指西湖洗甲兵。疾風掃葉趁秋時。一往無前破竹師。盛事行將觀北伐。中原父老望旌旗。

秋夕

畫角聲聲壯晚晴。黃塵十丈一時清。雁排密陣衝烟去。雲散長空避月行。野菊經霜英不落。石苔得雨綠重生。銀河燦燦明如水。可爲人間洗甲兵。

隴遊雜詩

斷筳殘角逐鞭梢。茅店柴門月下敲。輸與雙雙閒燕子。一年一度共還巢。街山月似鉤斜挂。逆水船如鷁退飛。白首乘槎行萬里。河源未到不言歸。明沙飄忽逐飛蓬。南北東西一任風。堆起猶龍流似水。模山肖海具神工。

忽前忽後單人騎。同止同行列隊兵。一隻一雙殘斥堠。半傾半圯古長城。
大漠窮秋夕照斜。牛羊逐隊自歸家。流沙堆出千山雪。霜葉紅成萬樹花。
三季冰霜四季風。並無衣袴被兒童。家家財物吾能計。盡在羊裘一領中。

水果城中夏亦秋。涼州以外此涼州。篋中空貯團欒扇。惹起佳人一段愁。

爲水
果城

五雲飛處是京華。笑指城西打槳娃。雙槳劃開湖上月。殘荷蓋下自浮家。

晚晴小園獨立

香飄桂子近中秋。搖落深添宋玉愁。階菊迎霜猶強項。園花過雨尙低頭。風高
葉戰聲生樹。露冷河明月半鉤。我比庾公爲客久。他鄉三十六年留。

贈伊吾盧女史

黛面纏頭佩玉璫。穹廬爲室擬甕甍。來從崑圃銀峯外。住近瑤池翠水邊。灼爍金羈天馬轡。鬃鬣霧鬢牧羊仙。蒼涼悲壯伊州曲。直奏橫吹合管絃。

秋園小立

園花半謝蝶心哀。飛過牆東不下來。牆外寒花尤索莫。徘徊無計復飛回。護花別具苦心腸。只恐嬌姿著夜涼。春爲海棠燒畫燭。冬安暖閣作花房。

學詩

花甲將周始學詩。達夫常侍是吾師。中興大敵頽靡氣。醫俗神方醞藉詞。遊戲何妨翻著襪。生疏只合倒繡兒。天成烟靄無妝點。嘔血鉤心亦太癡。

次少堂前輩聽琴韻

槎泛長河八月天。西來閨苑會羣仙。關山明月聽三疊。隴阪秋風又一年。繪切

銀鱸紫客夢。詩成白雪助徽絃。胡笳滿地人千里。何處江湖可泝沿。

戲詠塞上名產誇於在渝諸友

吹盡黃雲洗淨沙。五風十雨助芳華。自甘澹泊蒲萄酒。不着閒愁富貴花。鳳卵
枝頭香噴雪。鷄心紅處豔流霞。爐邊炕上陳冬果。杏後桃前熟醉瓜。

朱霽青將軍息影河北也是園足跡不入城市賦贈

何人談笑失長城。游擊將軍氣不平。學得屠龍無用所。鳳林關下聽河聲。
種菜英雄道不孤。沙鷗田父喜相呼。桔槔俯仰門前轉。此外機心一點無。

壬午中秋夜登望河樓望月

骨肉流離爲避秦。一宵五處望鄉身。客中最怕逢佳節。況是高樓獨倚人。
清輝籠遍古城。白屋朱樓一樣明。莫爲離人添別恨。煩君爲照漢家營。

雄師百萬護山河。四海丁男盡荷戈。料得今宵閨裏月。團圓人少別離多。
梅將靈藥誤華年。竟把情天作恨天。卿已慣嘗離別苦。何心更照世人圓。
家家瓜果拜三更。爲禱銀河洗甲兵。剩得老身無著處。涼宵來此聽河聲。
憶到錢塘月正明。人誰有興看潮生。水犀聖手今何在。好把狂潮一射平。

自華家嶺至平涼道中口占

征車迤邐逐雲騰。歷盡千峯最上層。行過六盤重著地。平原如掌路如繩。

邠州道中懷古

萬頃雲堆履迹坪。高憑復穴望咸京。農師教稼開基地。節度臨邊坐鎮城。草沒
甘泉鸞蹟渺。烟銷仙掌露盤傾。茂陵松柏秋風裏。天馬何時入漢營。

驪山

不見金輿十月天。樓空人去自年年。溫湯懶逐炎涼變。閱盡興亡是此泉。
去年十月宿臨潼。雨雪紛紛落故宮。夜聽迴廊幽咽水。猶疑環佩響丁東。
舞罷驚鴻各散場。暖池銷盡玉蓮香。龜年已向江南老。只有鸚哥問上皇。
吹笛樓前長綠苔。台歡堂裏遍蒿萊。滿山落木蕭蕭下。猶似諸姨列隊來。
顆顆垂珠綴柿枝。生成絕味不逢時。霜林遠立行宮外。閒看紅塵送荔支。
翠黛工愁亦善顰。明眸宜笑復宜瞋。七情自是關天性。枉爲胡兒怨美人。
九日過華陰遙望華嶽

孤峯裂罅成仙掌。萬劍攢青象石蓮。呼吸自能通帝座。何勞伸手獨遮天。
竦處稱尊險處奇。三峯高下自參差。忽忽未作峯頭飲。孤負黃花九日期。

潼關城垣半圯。行人攘攘。絲竹盧雉之聲喧。甚感賦二絕。

華山已過見荆山。目送風陵水一灣。鴻雁不知陵谷變。猶排密陣度殘關。
雄關百二蹤顏垣。漢角胡笳隔水喧。北岸呼臬南喝雉。各拚孤注賭乾坤。

潼關悵望

嶢嶢桃林塞。渾渾風陵津。四扇扼九州。一徑貫三秦。龍門瀉竹箭。環抱幾屈伸。
仙掌撐天外。中條插水濱。天塹難飛渡。澗道不並輪。嬴秦據此險。東向延敵人。
四塞以爲固。諸侯齊逡巡。如何咽喉地。一旦成灰塵。片水界華夷。河山亂主賓。
臨關長太息。屯難思經綸。

淪波口村中夜坐

白日淪悲谷。素月起東山。清光明甕牖。皎潔豁心顏。松風時謾謾。溪水自閒閒。
靴紋搖繁星。釵股攢千鬟。不見漁火來。但聽棹歌還。村老眠已熟。柴扉敞不關。

推窗仰視夜。秋聲生樹間。

重到洛陽仍駐西宮

洛陽一別鬢成絲。寂寞西宮似舊時。翼翼中州文物地。何堪一水界華夷。

宿嵩山少林寺

朝出洛陽郭。暮解轆轤轡。轆轤十二曲。紆徐入幽邃。丹楓豔於花。老柏含晚翠。伊洛淺且清。山輝川亦媚。六十二峯間。太室獨鬼歸。峨峨漢河山。永奠中天位。摩挲石闕銘。剝蝕無完字。惟供牛礪角。日觸殘石墜。汝潁東南流。匯入淮南地。淮南白雲多。油然動鄉思。暝色沒前山。夜投少林寺。碑殘知寺古。地迴無客至。道人獻黃精。野蕨列三四。明月照我床。形影不相棄。隔河望烽烟。鬱紆難成寐。夜半動疎鐘。哀鴻猶奮翅。

十一月十九夜望月不見

是日爲予來
爾二週年

黃雲無際暗層樓。雲裏清光想像幽。黯澹河山蕭瑟夜。一分明處一分愁。

隴禽

山鷄愛羽毛。映水沉大澤。孤鴻下汀州。時有綰繳厄。何如隴山鸚。雕籠作安宅。窺簾識主人。珍若連城璧。金環繫頸足。飛鳴依肘腋。默默堂前人。含情不敢白。

夜中聞笛

霜滿龍堆月滿樓。何人深夜按涼州。此身拚與塵沙老。不著鄉思也自愁。一聲吹落隴頭梅。隴上行雲去復回。任是無心亦惆悵。歸山出岫兩裘裊。

大鵬篇

大鵬徙天池。鸞鳩搶榆枋。各自有天地。飛鳴兩無妨。拘儒嗜糟粕。反脣肆鼓簧。

壁壘胸中橫。門戶遙相望。魚目笑明珠。執短以論長。萬物期並育。大道本無方。珍裘集衆腋。鴻業資匡襄。風定萬籟息。道一百家亡。母令明達士。飲酒自放狂。離愁蓬山一萬重。離愁幾千斛。夜夜向燈花。暗把歸期卜。清風不入幃。明月伴幽獨。誰知月無心。照見燕雙宿。

覆車行酬少堂前輩見贈之作

壬午十月奉命往河南勘災。十三日行至陝西監軍鎮。雨後泥濘甚深。突然覆車。幸無受傷者。回蘭後少堂前輩贈詩見慰。賦此酬答。

夜宿華家嶺。朝過六盤山。山勢插霄漢。白雲相往還。駿馬走坡無阻阨。飛身直下三千尺。過鳥恍如鷁退飛。道傍行人皆辟易。大鵬展開圖南翮。背負青天嫌

天窄仄徑已過苦竹岡。廣陌誰呼泥滑滑。車聲鱗鱗迎面來。烟雨濛濛未先察。
猝然相遇不容髮。行人高呼開不得。開不得。停不住。車聲驚馬馬嘶怒。左奔右
突如脫兔。馬蹶車傾橫當路。自古畏途是康莊。人生何處可坦步。君不見十萬
災黎過潼關。礮擊車翻誰復顧。一蹶贏得千金句。乘除悲歡相挹注。回時再過
覆車處。午夜夢魂猶驚怖。

寄孤桐重慶

艱難脫得賊中身。萬里隨蒙劍外塵。峽坼雲霾烽火急。大鈞著意鑄詩人。
瞿塘水接洞庭波。自古騷人寄跡多。滷滷堆頭珠錯落。千秋不廢此江河。
郢中善和里人歌。欲染髭鬚奈老何。古調自彈還自愛。啼猿且暮助吟哦。
巴字澄江百折灣。波瀾久向霧中閒。少陵老去詞源涸。好領天西半壁山。

悼仲甫

雲夢胸中八九吞。風生藝海浪濤翻。靈均馳騁皆先路。賈傅敷陳半罪言。論到蓋棺猶未定。心雖委地尙餘溫。老來頻洒憂時淚。一讀遺書一慘魂。

白梅

一分清冷一分春。風骨都從淡處真。但飲隴頭冰雪水。不將顏色事他人。

塞上曲

畫角邊塞聲。古驛陽關道。處處見牛羊。夜夜臥成堡。五月飛清霜。四月生青草。秋菊花未黃。四山頭已皓。鐵笛落寒梅。龍沙堆瓊島。夜愛朔風涼。午愛驕陽燠。一日備四時。羊裘代衫襖。肥鮮野火燔。潼酪終歲寶。有客皆幕賓。推襟送懷抱。犬豕兩忘形。牛馬同一皂。秦月漢時關。金鞍大宛駝。鴻荒太古風。一世樂皞皞。

生平輕萬里。出塞苦不早。可憐蘇子卿。未共塵沙老。

行役篇

年年事行役。不知客路長。高原登秦隴。水國泛湖湘。走馬觀華嵩。驅車過夜郎。雨中花楸杵。月下酒奠梁。雲間開鳥道。眼底瞰邊牆。方離瘴癘地。來此冰雪鄉。登山聽沙鳴。訪畫過敦煌。沙堆千山雪。月照一天霜。豈不憚行邁。畏茲簡書忙。愧非干城選。分當巡故疆。將士久浴血。甯處我豈遑。九域尙未復。烽火遙相望。何時落旄頭。濯足蹋扶桑。不勒燕然石。奚事畫錦堂。沙平高臥穩。大風歌泱泱。

雪中望白塔山

濯濯白塔山。山勢何猙獰。常風一夜立。突忽新妝成。參差舊樓臺。處處鋪瑤瓊。高簷瀉珠璣。落地響琤琤。以彼頃刻花。飾此不夜城。縱教羣陰冱。難當白日明。

何如松柏姿。歲寒益堅貞。

雜詩

種蘭莫當門。當門鋤如草。斬草莫留根。留根礙除掃。荃蕙擇地生。蕭艾每當道。當道能幾時。瞬隨秋風老。青青萬年枝。四時長美好。

和氏抱連城。不能衛兩足。野人獻山雞。反以見誠篤。君子守其常。安能計榮辱。但求真賞真。甯論俗人俗。萬世有老吏。自能斷斯獄。

周武聖明時。夷齊臥首陽。漢代中興年。富春老嚴光。浩氣所磅礴。山林與朝堂。在山爲氣節。在朝爲紀綱。榮華誠烜赫。君子慎行藏。

淒淒李陵臺。邊草匝地黃。會以五千衆。轉戰入胡疆。如何偶頓挫。悻悻投戎荒。欲歸苦無顏。徘徊詠河梁。中心鬱以悲。依依望故鄉。不遭時板蕩。何以識忠良。

雪後西園閒步

官舍跼城隅。斗室自偃仰。薄遊步西園。野境愛閒敞。恍如脫籠禽。一翅入蒼莽。
皚皚華林山。迢迢雲外賞。孤鶴舞長空。白雲作素筆。黃河天際來。冰濤正浩蕩。
寒梅滿院香。早韭當戶長。俯仰天地寬。澹蕩襟懷爽。滯慮一滌清。悠然絕塵想。
年來棲山國。舉步思曠壤。野遊得平原。何惜大如掌。勝境不嫌幽。獨來還獨往。
暮靄上禪林。清磬一聲響。

將軍行

將軍白鬚如白雪。赤膽輪困五腸熱。欲染霜髭事後生。老去腰肢苦難折。夜夢
乘桴浮海行。海上鷺濤翻長鯨。又夢入山披短髮。山中處處虎狼窟。腰懸寶劍
走江湖。白首不肯低屠沽。自言欲渡桑乾水。叱咤風雲走強胡。功成不願受上

賞。歸來自結南山廬。豈知所如百不合。憤著僧衣臥禪榻。終日焚香獨誦經。閒
招白雲補舊衲。天生七尺身昂藏。安忍坐老白雲鄉。不然怒馬走大荒。出塞且
作氈裘王。

黃河浮冰歌

北風刺面如刀剗。透入狐裘冷於鐵。當風噓氣不成雲。翻向胸前霏微雪。長河
落地憤不平。滿抱珠璣向人洩。行經雪海又冰山。雪海崩潰冰山裂。洪波已雜
泥沙黃。零瓊猶保冰雪潔。泛泛有若白鷗閒。隨波澀澀起復滅。長爲玉筍圓銀
盤。魚行成貫鴈成列。急峽東水水震怒。故撞菱花碎爲屑。雷轟海嘯千山鳴。翩
翩翻翻走雪檣。盤渦掀起浪拍天。百萬珍珠出珠穴。忽遇雲黯朔風號。一夜銀
潢全膠結。明鏡平鋪無底壑。燦爛神橋天爲設。輪蹄雜深橫渡來。冰下蒼波冰

上轍。

僕夫吟

予復予。恨不生羽翼。隴頭何崔嵬。羊腸殊傾仄。道頗行不平。道曲踢不直。年年奉長齋。日日作寒食。傷哉彼僕夫。念之中心惻。

絕塞

絕塞塵沙蔽九閼。只餘積雪向人明。雲生瀚海天無路。馬蹋冰川地有聲。攫食飢鷹頻上下。防邊古戍尙縱橫。英雄老去長城在。一代河山幾戰爭。

寄寒操迪化

瑤池翠水接天流。一任颿車自在遊。重舌旃裘迎漢使。虎頭麾節駐洋州。平安烽火交河戍。絡繹明駝瀚海舟。峻極銀峯元始雪。皚皚終歲豁吟眸。

哭德章二兄

昔罹洪楊亂。祖業久飄蕩。吾父素輕財。負債無由償。辛苦祖母劉。七載無蚊帳。吾母勤紡績。每至晨鷄唱。兄弟傍母讀。書機聲韻頡。言念父母勞。中情殊悽愴。二兄運蹇澀。早年困場屋。蠹簡乞無靈。仰天夜痛哭。艱難博一衿。未食斗升祿。皓首猶窮經。挑燈課黨塾。兵戈滿天地。龍蛇紛起陸。盜賊密如梭。有家不得宿。白日望烽火。深宵臥巖谷。五載戰未休。輸邊納錢穀。未見泰階平。返駕抑何速。一生在山林。未享山林樂。十年一布衣。明志甘澹泊。子女已滿堂。手足猶操作。去書勸加餐。返書詞諤謬。耕讀吾家風。勤苦助儉約。甯願自枵腹。不使家道落。書翰猶在目。音容頓寂寞。追念吾兄言。金石永不鑠。

陵谷瞬變遷。白雲幻蒼狗。童年如昨日。突忽成老叟。案多絕筆書。座盡忘年友。

百年能幾時。例同草木朽。鈎心一枰棋。弈罷終斂手。兄妹共五人。無一臻上壽。拳拳骨肉情。一生幾聚首。關河阻且修。不獲親奠酒。撫棺違心願。終身呼負負。

山寺尋梅

蹇驢得得出城圍。特地來尋雪裏春。偶揭簾櫳山入座。慣經門巷犬迎人。梅撐傲骨何妨冷。佛有明心不礙塵。寂寞一僧峯下住。粥燒臘入餉遊賓。

是日適爲壬午十二月初

八日浴佛會期

小園

小園斜對小西湖。麁眼籬圍樹幾株。柏抱冰霜無礙冷。梅先風氣不嫌孤。分瓜醉客當呼酒。斫鴿爲齋等膾鱸。春日名花濃拂檻。楊妃低首待人扶。

踢冰

膠盡銀川隔盡埃。逢人都道蹋冰來。寒風日傍黃河岸。吹老梅花凍未開。

吾妻廷祺與兒宗滬陷上海圍城中六年。今間道來蘭喜而賦此。

封豕窺上國。薦食東南疆。迢迢黃歇浦。遠隔天一方。耳斷歸鴻音。心憂道路長。六載蟄圍城。鬱紆結中腸。安得化黃鵠。逍遙飛故鄉。

故鄉渺雲外。惆悵將何歸。隴上多名山。麥秀薇蕨肥。今年復明年。空見燕雁飛。瀟湘有捷報。淞浦不解圍。惟見閩中月。不覩漢旌旗。生還何日事。夜夜夢牀幃。入夢雖云頻。烟波阻迷津。城郭餘焦土。萬里少行人。傳聞彭城路。中夜狙兵輪。賊會齊斷首。行客無完身。幸因就道遲。始得避艱屯。事後一回思。不禁淚霑巾。霑巾無已時。間道程難知。關塞多險阻。舉步自遲疑。古渡落日寒。荒村猛虎馳。冷月照殘壘。畫角聲慘悲。饑饉中州道。四野見橫尸。淒涼人烟斷。何處借一枝。

枝上烏鵲。喜信來長安。一念在隴阪。頓忘行路難。避盜夜微行。兼程日忘餐。
秦關趁宵渡。天地一朝寬。辛苦賊中來。離合生悲歡。回憶六年別。執手兩心酸。
心酸只自知。舉目見吾兒。憶昔居漢皋。兒方垂髫時。日夕依膝下。竹馬庭中嬉。
自爲萬里別。舐犢徒情癡。父書權烽火。負此璞玉資。努力光祖德。毋恃幼岐嶷。

金城集

六安高一涵

卷三三十二年（癸未）稿

雪後望祁連山

一鉤新月送斜曛。遠磧駝鈴斷續聞。白首祁連終不老。逢時吐氣亦生雲。

出嘉峪關

蕭條嘉峪日淒淒。人與東風並向西。路入大荒千里直。天垂平磧四圍低。堆堆殘雪翻銀浪。陣陣驚沙認沼溪。極目蒼茫飛鳥絕。黃羊三五送輪蹄。

月牙泉上早春

東風無力轉陶鈞。皓首鳴沙臥一春。惟有月牙泉上柳。早垂青眼笑迎人。

沙場晚眺

枯葦衰蘆接莽蒼。平蕪盡處下斜陽。龍堆湧起千山雪。鹽澤蒸成滿地霜。月照忠魂燐吐燄。馬埋戰骨草生香。鐵衣遠戍男兒事。醉臥沙場即故鄉。

酒泉道上早春

關前新月照黃昏。又帶征塵入玉門。鴉雀翻飛知近市。溝渠交錯自成村。巍巍人祖蒼顏老。沸沸金泉綠酒溫。大漢聲威洋溢地。空餘陶賴水云云。

焉支山

爲保焉支不顧身。只因顏色起邊塵。單于也自風流甚。直把關山奉美人。

春日永昌道中

征程日日傍邊牆。斷續悲笳趁夕陽。古雪封塵參黑白。枯叢生草雜青黃。關山戍遠明駝瘦。井里人空比境荒。磧裏陰沉春到晚。冰霜三月伴官楊。

風雪中過烏沙嶺

莊浪東流古浪西。嶺頭一別永分離。雪花也怕分離苦。欲落還飛故故濕。

永登道中口占

去時雪滿河西道。回日祁連疊翠屏。春到人間纖草覺。萬山相約一齊青。
風吹錦浪欲平隄。兩岸紅雲映碧溪。秦代桃源何處是。夢魂長繞武陵西。
玉門關外雪迷離。廣武山邊柳綴絲。一樣不勝羌笛怨。白門紫塞兩淒其。
江南已是暮春天。方趁輕寒種石田。烟柳不遮山破碎。淒淒風物爲誰妍。

追憶二十五年沙市之行

宿雨初收後。春晴好泛槎。江因添水闊。帆爲借風斜。村婦漁還績。舟人客亦家。
香飄時一過。畦菜吐黃花。

山到荆門盡。羣流一瀉前。微波時嚙岸。遠水欲浮天。江似羊腸曲。舟緣鳥道牽。荒村烟火絕。饑饉苦連年。

夢江天

江天細雨淨泥沙。嫩靄輕陰正養花。料斗一池文活潑。荻蘆滿地箭萌芽。桃花漲裏初肥紫。雲霧峯頭試採茶。杜宇聲聲驚客夢。春來爭得不思家。

雨後遊小西湖

碧天如水草如茵。塞上棲遲又一春。新漲池塘方飲馬。初栽楊柳不遮人。隨波出沒魚兒活。入幕呢喃燕子馴。身老正須閒處著。未應放過是良辰。

屯艱

滿擬餘年見太平。豈期六載未休兵。枕霜焦土焚舟淚。詩雜寒笳暮角聲。烟

不遮山闕破。屯艱惟勵節忠貞。人生只合沙場死。何用丹青污姓名。

鄉關

夢裏鄉關不可尋。隴原高處怕登臨。冰天雪地年年客。楚尾吳頭夜夜心。舊業已隨焦土盡。名都半共夕陽沉。飄零翻羨歸飛鳥。日暮相將返故林。

庭院晚坐

春半東風始渡關。階前弱柳舞金鬟。清除小院迎新月。疏翦叢林出遠山。兒感時艱拖敝履。妻愁薪盡典雙環。醉瓜當酒難成醉。仰視浮雲意自閒。

皮船閒泛

羊皮筏以十三隻皮囊攢成首尾各四隻中五隻每筏可載四五人順流而下頗爲輕便惟回至上游時須以人力負之而還

溶溶雪水生。黃波殊浩蕩。欲濟嘆無舟。臨流嗟河廣。一葦天際來。翩翩大如掌。恰受兩三人。容膝資方丈。省掛蒲十幅。毋勞風五兩。舟虛不揚波。權逸無激響。

魚龍水底眠。夢魂絕擾攘。竹箭下中流。一身寄滄瀆。不覺船低昂。但見山俯仰。微風觸浪生。銀花時過艤。忠信涉波濤。瞑目不敢想。沿水自在行。逆流無由上。力者負以趨。一肩代雙槳。道旁數歸舟。遠隔烟波賞。靈槎上岸行。沙鷗徒神往。

漫興

黃金爲米桂爲薪。無酒無花過一春。且摘醉瓜供痛飲。半醒半醉臥沙塵。芒屨倦蹋九州塵。欲傍河干理釣綸。日鱸鵝魚供一飽。不辭永作隴頭人。

聞遜軒築新屋並造假山戲贈

匈奴未滅若爲家。漫把垣墉礪鼠牙。世界風行焦土計。看從楚炬變烟霞。君從平地起陵阿。咫尺巖巒奈小何。隴上高峯千萬疊。移來相贈可嫌多。

題王子雲蘭州圖

岑嘉州詠金城關有句云。山根盤驛路。河水浸城牆。氣象萬千一語中的。然非親至其地者不知也。子雲此畫似爲嘉州註詩。嘉州之詩。又似爲子雲題畫。即未身臨斯土者亦得從容臥遊也。爰誌以小詩。重險金城夕照紅。長虹飛岸影浮空。嘉州詩句名千古。收入先生尺幅中。

故國

賸水斜陽故國情。烽烟高處望吳京。夢餘鐵鎖沉江恨。潮帶銅駝泣草聲。王氣已無龍虎衛。古丘時有鷓鴣鳴。淒涼一片秦淮月。夜照殘山直到明。

癸未詩人節追弔屈子時適聞鄂西漁洋關之捷

騷人軒翥起南疆。編苦爲膺亦自傷。謠諑有心仇謬愕。江湖無地著忠良。漁洋鼓角殊悲壯。澧浦旌旗正奮揚。日暮彎弓齊競渡。細腰宮畔射斜陽。

懷沙寧願碧潭深。九死難移報國心。天上無門通款曲。人間有路聽行吟。悠悠
湘水容當涸。蹇蹇修名總不沉。爲就重華陳理亂。義兼風雅託哀音。

雨後望興隆山雲樹

螺鬟沐罷黛濃描。泉迸珠璣樹掛綃。米墨王圖雙畫本。山光天色一柴窰。浮雲
透日纖鱗燦。古柏迎風活翠搖。向晚人歸霞正起。恍疑曉看赤城標。

夏日蘭州苦雨

黃梅節後猶多雨。雨脚如麻暮復朝。雲裏青山嬌入浴。屋頭幽草扮垂髫。牆傾
轉喜峯當戶。河漲爭傳鯉過橋。門巷肥添三尺水。輕車來去學乘潮。

聞義相墨索里尼罷職

因人碌碌總無功。巧慢徒稱一世雄。掌上乾坤餘棒喝。磻中鷹犬化沙蟲。臍燈

難燭灞天暗。劫火先燃半島紅。安得海倫聖海倫島方寸地。窮途潦倒伴拿翁。

稚柳寄跡敦煌莫高窟。及安西榆林窟。精研壁畫。近一年癸未夏返渝道。

過蘭州聚處兩月。臨行以長句見贈賦答。

偶起東山閒臥身。莫高窟下駐征輪。手摩石室殘龕畫。筆掃榆林古壁塵。右相丹青誰接武。老蓮花鳥幾傳人。巴州歸去千山阻。蓬葦猶留四季春。

有感爲魁北克會議時英蘇齟齬而發

仁義干戈久不存。雞蟲失得復奚論。千秋樽俎潛弓影。萬國河山擁壁門。戎首逍遙延討伐。機心翻覆織讎恩。龍拏虎擲今猶昔。四海何由定一尊。

棲遲

四海風塵滿。棲遲春復秋。淒涼關塞月。幽咽隴頭流。天馬羈槽檻。星槎泛女牛。

子卿冰窖老。漢節苦淹留。

喜聞義大利投降

九月九日公
布投降協定

忽傳羅馬豎降旗。屐折東山罷賭棋。萬乘貔貅爭寸土。三年日月克偏師。天驕臂斷終難續。南海珠還會有期。玉帳歡聲騰塞上。未衰應見太平時。

癸未中秋望月

十分圓滿夕。七載亂離時。朔漠驚秋早。西天得月遲。砧傳閨闕怨。笛惹塞垣思。也識團圓好。兵銷未有期。

去雁

目送南飛雁。高翺入窅冥。厭看關塞月。欲寄荻蘆汀。澤國風波惡。江天水味腥。紛紛胡騎擾。雲夢莫輕停。

久客

壯懷流水逝。久客感飄零。風冷侵詩骨。氈寒困使星。貧慚青白眼。老畏短長亭。爲洗煩襟淨。焚香讀梵經。

讀史

漢代既弛商賈律。富商大賈從此出。男不耕耘女不織。奢侈幾與王侯匹。閭閻無策感鬼神。市井有路通要津。室廬與服僭將相。出入宴寢椒房親。策肥曳縞厭梁肉。朝餐海錯暮山珍。穉物騰糶計奇贏。一商兼併萬農貧。忽焉有事西南鄙。鑿山通道千餘里。移軍朔漠西擊胡。負擔饋糧無時已。大農陳藏一朝空。天下騷然轍耒耜。朝廷鸞爵首武功。便便大腹彈冠起。藻績鹿皮幣興。四十萬金輕如紙。吏民逐利忘性命。盜鑄豈肯慮生死。錢輕物貴失平衡。入羊入馬藉

相抵。謀臣計吸山海精。不惜引用買人子。鹽鐵豪買半服官。官買並肩作朝士。
官邪賈邪勢莫分。心計以外無廉恥。利析秋毫桑弘羊。法禁腹誹始張湯。大農
籠盡天下物。官府翻作屯積商。一時競誇平準法。民無貯蓄庫有藏。公卿阿諛
甘默默。坐看不雨焚巫尪。嗚呼大漢聲威震天地。一戎衣除萬世累。國家何代
無戰爭。蕭何助業誰能嗣。市僧從來不更事。忍使漢廷變墜肆。何時淨掃胡虜
塵。永銷劍戟鑄農器。

雁南飛

秋風蕭城玉門開。去寒就暖雁南來。零落三兩不成陣。徘徊顧侶嘶聲哀。長征
萬里何太苦。南下豈不厭聲鼓。黃蘆岸邊少行人。胡騎紛紛挾弓弩。地經喪亂
稻粱微。江山搖落洲渚非。關塞雖寒仍故土。毛羽自足禦霜威。瀚海無波沙平

輒和鳴靜集閒相飛。胡爲飄零遠客不思歸。

猛虎行

蒼天何故生猛虎。金睛眈眈鉤爪舞。炳然蔚爲大人儀。却攫血肉恣吞吐。明月沉山萬壑冥。當風呼嘯一林腥。在山尙可庇藜藿。出柙翻使禍生靈。乞食搖尾或如狗。捋鬚應防禍生肘。自居獸長號山君。城狐假威效奔走。惡俵四出爲傳翼。臨風高舉肆哮吼。一飽勢將吞萬人。口下餘生亦何有。嗚呼當今誰是神箭手。爲我引弓掃羣醜。不然惟祝皇天速使變麒麟。生草自茲不入口。表瑞含仁居郊藪。

重遊西寧

前年西寧遇重九。黃葉紛紛滿地走。今來西寧又重陽。柳青梨赤天未霜。碌

飄零餘我在。異鄉怕見菊花黃。年年臥甕嚼冰雪。孤負江南好時節。澄湖鮮碧蟹初肥。棲霞楓丹豔於緋。惆悵有家歸不得。撩人鄉思雁南飛。

九日遊塔兒寺

露裊黃花丹染楓。九日登高天無風。道人蕃服行人少。代步都藉胡青驄。探幽漸入無人境。忽見塔影撐晴空。法幢參天樓覆地。金瓦熠燿耀蒼穹。吾聞蕃兒飲酪飽肉臥氈帳。焉有樓臺亭閣如此其崇隆。地近峴崙鄰星宿。得非浮槎誤犯牛女宮。又或桃源仙境非虛擬。不在南服在西戎。衆僧迎客皆倒屣。毳衲斜披半肩紫。睢盱偃僂能鞠躬。幢牙排列幾半里。經堂燈火如秋螢。撞鐘吹螺日誦經。繡栴彩栴紛爛熳。參差佛閣影瓏玲。潛虬蟠梯通天上。藻井彩錯耀中庭。壁上森然動魂魄。神物鬼怪繪丹青。出家還仍在家俗。持齋食肉無檢束。古拉

轉過鐙挑明。

寺廊間置木桶內裝經典中有鐵軸承之用手轉動以代誦經謂之轉古拉

餘事不勞動手足。高臥閒聽風誦

經。

用長布條抄錄經文橫懸木架上因風吹動成聲以代口誦

呪水驅人登鬼錄。一生誓磕十萬頭。那有閒情辨

菽粟。傾囊倒篋作法供。龕上堆金疊珠玉。一鐙燃盡萬民膏。知是天堂是地獄。

嗚呼佛義自覺覺他人。立志苦行不爲身。惟願高僧了了無遮念。修到空空不

染塵。

重九後十日千齡社第一次集五泉山分均得幾字

綠野誰家堂。奇峯羅眼底。寒泉咽山腰。流溪又燕尾。湛湛蒙泉清。淨淥纓可洗。

適當後重九。黃花香滿邸。山靜泉愈鳴。節晚菊逾美。開筵人坐花。鬪句詞翻海。

瞿鏢雁門公。

薩鼎銘將軍時年八十有五歲

童顏終不改。儒雅羨紫陽。

朱一民將軍

風流盛文采。胸羅武

庫奇。詩成泣神鬼。文社結千齡。詞源百川匯。嗟我老臨邊。把酒憶霜蟹。異鄉寡

親交佳節思兄弟。盛會古難常。知心今有幾。吟罷復登高。遙天樹如齊。烟銷見長河。一聲聞款乃。

癸未十月與張八大千同遊麥積山

爲訪靈巖境。清晨涉渭津。雲收低度嶺。泉迸潔無塵。霜柿紅於火。秋花豔若春。東柯何處是。沿路問樵人。

入峽二三里。奇峯十幾重。秋山紅著錦。古柏翠蟠龍。曲徑依流水。危崖掛倒松。地偏僧亦俗。對客但敲鐘。

天水社棠鎮口杜公草堂

漣淪渭水淺平沙。玉竦凌空一帶斜。東谷陽坡鋪錦繡。西枝陰壑走龍蛇。地生羲聖文明古。雲接崑崙道路賒。柿子垂珠瓜栗美。少陵何事更移家。

成縣

卓午發栗亭。薄暮望同谷。雞山何崔巍。撐空先入目。黃葉雜紅葉。青松間綠竹。誰家丹青手。寫此千丈軸。下有良田疇。黽黽宜蔬菽。人工寸寸鋤。儼然鱗次屋。清風弄麥苗。生機得煦育。奈何杜公祠。荒寒依隈隩。曲水作蛇蟠。巉崖如虎伏。龍去湫無靈。鳳杳臺空築。白首負丹心。干戈阻骨肉。日日隨狙公。芋栗不果腹。荒山無寸土。何處尋黃獨。行役苦連年。有家不遑宿。樂土思南州。那計窮途蹙。舉首望仇池。白雲迷層麓。

登成縣雞頭山頂

懸崖如削鳥猿愁。老至翻誇足力遒。縹緲仇池差露首。嵯峨泰石亦低頭。高吟恐觸羣星墮。放眼能將八極周。冉冉雲烟生脚底。等閒竟作太清遊。

夜宿雞頭山普賢殿

朔風如虎撲禪房。冒雨攀林十指僵。多謝嬾殘牛糞火。炕床溫暖芋魁香。

成縣飛龍峽謁杜公祠

飛龍峽口路迷離。龍去潭空異舊時。一掌平原同谷縣。數椽矮屋杜公祠。蕭蕭短髮荒山客。耿耿孤忠故國思。我亦無家堪送老。白雲深處望仇池。

訪西峽頌摩崖

崖在成縣魚鱉峽天井山中

迢遙天井山高矗。骨立嶙峋羗無肉。何時突遭巨靈壁。裂入厚坤呀爲谷。兩山接天天昏暝。一峽束水水湍洑。雨後樹杪百重泉。散作崖頭千道瀑。躡攀鳥道躡荆榛。背負青天首俯伏。牛羊上山作人立。人行翻如蟻緣木。不愼中途偶失足。翻身下墮如轉軸。李公鞭石成津梁。欲將險阻化康莊。石間雖有斧鑿迹。年

深崩落徑渺茫。萬里尋碑不辭遠。但恨與碑相見晚。昔從窗下斲紙本。喜見筆畫無缺損。二十年來日臨摩。今距咫尺寧蹉跎。盤崖繞壑口接膝。剜苔剔蘚頻摩挲。三頌至今僅餘二。二。翻開石門西峽三頌雄勁奇偉。爲漢碑冠。鄒開頌舊在棧道中。後棧道他徙石亦磨泐。明代縣令申如垣重刻之。今所傳本非原刻。深

山賴有神搗呵口。讀指畫終復始。吟哦豈止十遍過。山峻遮日日早暮。徘徊欲去不忍去。會看鸞翔鳳翥姿。暝色漸沒山前路。回途再訪耿勳碑。崖石剝落無

完處。

耿勳碑在西狹頰下游約二里許之石崖上。今已損十之五六矣。

登成縣帽峪峯

躋攀鳥道步難移。行到中途日已遲。萬里寒風侵肺腑。九天濃霧落鬚眉。峯巒起伏千堆髻。阡陌縱橫幾局棋。如此河山如此世。可憐錦繡覆瘡痍。

帽峪山道中

雞山大拐聳晴空。壓倒羣山一萬重。人向崖頭耕寸土。天從井口露微容。攀登絕棧危梯道。飽看生龍活虎峯。怪石奇松隨地有。深藏巖壑不求封。

犀牛江上

半壁東南阻戰爭。亦思勇退戀時明。我家近傍江南岸。行到吳頭爲寄聲。五年不見長江水。今喜江源蔚淺藍。安得張帆明月夜。輕搖柔艫下江南。

康縣白馬關

康縣志謂白馬關卽杜少陵詩中之木皮嶺。所謂「遠岫爭輔佐。千巖自崩奔。始知五嶽外。別有他山尊。」頗與此處山勢相似。

白馬關鄰白馬羌。千年殘壘踞巖疆。地連梁雍山容壯。水下荆揚驛路長。峻極峯高欺五嶽。陰沉谷暗蔽三光。猙獰惡石橫當道。鞭叱無能只自傷。

隴南行

濯濯隴山上。萬古一蒼顏。嶺闕待雲補。崖崩費躋攀。一山縣亘數百里。但有童

頭無黛髮。南來嶓冢近巴蜀。

天水西南有嶓冢山爲江渭之分水嶺東流入渭南流入江故山南氣候物產均與蜀相近

湛湛清江鴨

頭綠。隴阪迤邐臥如龍。此山峭削立如鵠。

隴阪之山如臥棗州之山如坐而武都之山則如立

攀崖捫葛陟層

巔。欲以呼吸通帝天。雲霧亂點鬚眉白。直與孤鶴同躡躡。山中樵子偶相值。時

或誤爲雲中仙。嶺上雲霧嶺下水。活潑最愛在山泉。溪行曲折頻頻渡。淺揭深

厲仍一川。千尺崖頭垂白練。珠璣迸落白雲邊。偶然一夜朔風起。掛崖冰筋條

條圓。四山恍如冠蓋集。不招自從天井入。山家日與山爲緣。兒孫高低當戶立。

爲農爲牧都在山。丘陵以外無原隰。百里未見一里平。石罅崖隙寸寸耕。方看

牛從天際叱。旋驚馬在壁上行。山中無鹽素淡食。十人瘦膝九峻崢。千里饋糧

常恐後時隨旅雁。共宵征。蒼天底事。曹騰醉。斬予吾民方寸地。萬山爭妍逞姿媚。時露頭角思出類。左盤右旋。巧趨避。爭向空中聳青翠。遮天回日不容轡。行人苦無御風翅。不知龍蟠虎踞萬重山。愁落古今多少窮途淚。

老馬行

隴坻九迴泥阪濕。行人舉步輒於邑。阪下何人叱糧車。老馬疲茶鞭聲急。口沫喘白汗流紅。一怒騰驤脫羈馭。馬逸無蹤車翻覆。筐傾糧瀉無餘粒。落日銜山少行人。輿夫掩面道旁泣。細叩其由心轉傷。自云千里饋軍糧。隴阪接天途險峻。十馬中道九馬殫。去年傾資走甘涼。直以萬金覓驪黃。此馬西來名汗血。騰越崐崙如丘垤。揚鞭一蹙破霜蹄。蹴蹋層冰碎爲屑。平沙莽莽任奔馳。不向恒蹊循故轍。矯矯龍性終難馴。奔騰沛若江河決。昔充戰騎一敵萬。今促轅下轉。

跛。斲。農家四時常苦饑。安用銀鞍玉轡黃金羈。長稽短豆不甘食。年年瘦損減雄姿。趺弛脫略厭槽櫪。顧影驕嘶空權奇。在垆長鳴誰翦拂。直與駑劣同鞭笞。豈期一怒絕繯去。去如飛電回無期。嗚呼老馬運何否。不遇王良遇豎子。當年若在沙場死。早有功勳垂邊鄙。不然道逢伯樂得知已。絡月羈金被羅綺。出入香街紫陌裏。終勝長才困辱在泥滓。俯首貼耳伴鹿豕。嗚呼老馬運何否。

晨過天水大山頂

大山頂上曉霜融。溫水河邊旭日烘。歲晚松林重疊翠。秋高楓葉淺深紅。川連萬派朝巴蜀。地湧千峯拱華嵩。數典難忘書契祖。開天一畫啓鴻濛。

武陵行

洞庭連天水無波。四野雲黃黍稌多。西成共慶籩車滿。秋社村村擊壤歌。忽然

長鯨來水底。逆流西上犯沅澧。吞舟不填無底壑。豈爲飢鴻留菰米。鼓浪成雷渡石門。腥風直逼武陵源。松下房櫺無完舍。雲中雞犬亦飛奔。漁父飛又如電掣。設網提綱攔江截。橫江一擁百千鱗。半生半死眠涸轍。衆魚常才盡棄捐。逃遁僅餘縮項鰓。椎牛饗士鼙奏鼓。繪飛金盤開盛筵。腥臙一洗桃源淨。依舊秦時月在天。

丈夫行

孺子不肯跪黃石。中原何時罷逐鹿。句踐不作城下盟。安能親見吳社屋。丈夫能伸亦能屈。青眼白眼隨世俗。窮通進退不爲身。抱璞甯思衛兩足。出矢鞠躬處。抱膝陋巷可居肱。可曲。任他乾坤一蠻觸。形骸究須脫桎梏。人生上壽僅百年。安能留此眉宇著榮辱。

從軍行

蕃女婚嫁自媒妁。不羨豪富羨豪傑。年當十八初上頭。

蕃女年十七八編髮數十條乘背後於舊曆正月初三日舉

行成人禮俗謂之上頭

辮髮縈後珠貝綴。

晉書晉時吐谷渾婦人辮髮縈後綴以珠貝至今蕃女裝飾猶如此

馬上相逢馬下歌。野田

草露相慕悅。春風陌上百花開。花間自作同心結。朝朝暮暮比翼飛。不識人間

有離別。忽焉東海肆長鯨。神州萬里陣雲橫。羽檄交馳起壯士。男兒相率請長

纓。蕃兒自是羣中秀。不持寸鐵猶格鬪。借軀復讐不顧身。報國豈甘落人後。羣

幕之前繫班騅。豫淮黃龍酒一卮。不作尋常兒女態。牽衣攔道語其私。慷慨高

歌聲裂地。塞雁哀鳴塞馬癡。良人揮手從軍去。回幕自撫襟中兒。碧玉生小不

識字。莫由遠寄斷腸詞。牛羊下山閒無事。帳前穿眼望紅旗。夜深見月芳心碎。

怕向關山照別離。

歸夢

昔年有家不得歸。今日國破歸思切。風吹魂夢度關山。夢裏那知途徑絕。故鄉一別幾經年。里中人民散如烟。烏鳶銜腸挂枯樹。髑髏無語地下眠。古佛墮甕塵漠漠。老樹心空見彈穿。不見持珠人何在。只見念珠遺殿前。殘月昏昏懸木末。照見禾枯無人割。人去山空山亦愁。雖欲排青已無闕。蒼茫野渡橫孤舟。魚網掛門誰復收。野犬噬人狼如虎。豺狼不復藏山丘。萬人冢作狐兔窟。雄鬼夜哭聲啾啾。英雄死去精靈在。力盡關山志未酬。遠近不聞雞唱曙。天明欲去無道路。兒時竹馬嬉遊場。山花寂寞紅如故。總角親交滿四隣。今日流離不知處。

歲暮吟

歲云暮矣增感傷。風沙獵獵天爲黃。朱門爐火騰金燄。冰窖老人猶牧羊。市兒

矜誇狐裘白。魂夢不去溫柔鄉。冰雪封山狼入市。恢恢天網徒高張。山中老梅有奇骨。霜裏作花伴寒日。案頭枉自供水仙。徒有霜華無霜質。

歲暮書憤

西來四見歲云徂。薪米何期變桂珠。顛倒乾坤雙漫手。攪翻江海幾侏儒。千燒萬戰餘焦土。賸水斜陽弔故都。亂世功名三尺劍。文章值得一錢無。

52. 51. 50. 49.

20.

1. 2. 3.

0. 0. 0.

851.85

421

6960

高一涵 著

金城集

國史館圖書

分類號 851.85

著者號 421

登錄號 6960

國史館藏書



0115662